

ხელშეკრულება სახელმწიფო შესყიდვის შესახებ №155

ქ. თბილისი

25 დეკემბერი, 2020 წელი

ერთი მხრივ, სახელმწიფო ინსპექტორის სამსახური (შემდგომში - „შემსყიდველი“), წარმოდგენილი სახელმწიფო ინსპექტორის ლონდა თოლორაიას სახით და მეორე მხრივ, სს „სილქნეტი“ (შემდგომში - „მიმწოდებელი“), წარმოდგენილი კორპორატიული გაყიდვების დეპარტამენტის უფროსის მალხაზ ჟორჯიკაშვილის სახით, ერთად წოდებულნი როგორც „მხარეები“, საქართველოში მოქმედი კანონმდებლობის შესაბამისად ვდებთ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების (შესყიდვის) საგანი/ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

1.1 ხელშეკრულების საგანი: სახელმწიფო ინსპექტორის სამსახურის მიერ ინტერნეტ მომსახურების (ქ. თბილისი, მ. ასათიანის ქ. N9-სა და ქ. ქუთაისი, ირ. აბაშიძის ქ. N22-ში მდებარე შენობებისთვის) სახელმწიფო შესყიდვა, წინამდებარე ხელშეკრულების დანართი №1-ის შესაბამისად.

1.2 შესყიდვის ობიექტის რაოდენობა: შესყიდვის ობიექტის რაოდენობა მოცემულია წინამდებარე ხელშეკრულების დანართი №1-ში.

1.3 შესყიდვის საშუალება: ელექტრონული ტენდერი (აუქციონის გარეშე), განცხადების ნომერი: NAT200018751.

1.4 ხელშეკრულების საერთო ღირებულება: 3 600.00 (სამი ათას ექვსასი) ლარი, საქართველოს კანონმდებლობით გათვალისწინებული ყველა გადასახადის ჩათვლით, წინამდებარე ხელშეკრულების დანართი №1-ის შესაბამისად.

1.5 კლასიფიკატორის კოდი: CPV – 72400000 - ინტერნეტმომსახურებები.

1.6 ხელშეკრულების მოქმედების ვადა: ხელშეკრულება ძალაშია 2020 წლის 25 დეკემბრიდან 2022 წლის 31 იანვრის ჩათვლით.

2. შესყიდვის ობიექტის მიწოდების პირობები, ვადა და ადგილი

2.1 მომსახურების გაწევის ვადა: 2021 წლის 01 იანვრიდან 2021 წლის 31 დეკემბრის ჩათვლით.

2.2 მომსახურების გაწევის ადგილი: ქ. თბილისი, მ. ასათიანის ქ. №9; ქ. ქუთაისი, ირ. აბაშიძის ქ. №22, შემსყიდველის ადმინისტრაციული შენობები.

2.3 შენობების შიგნით ოპტიკური კაბელი მიყვანილი უნდა იქნას შესაბამის საკომუნიკაციო კარადებამდე ისე, რომ სრულად უნდა იყოს დაფარული. იქ, სადაც არმსტრონგის ტიპის ჭერია, კაბელი უნდა მოთავსდეს ჭერის ზემოთ. სხვა შემთხვევაში, კაბელი უნდა მოთავსდეს საკაბელო არხებში.

2.4 სამუშაოების შესრულება, ინტერნეტ არხის შესაბამის ქსელურ აპარატურაზე დაერთება და ინტერნეტ არხის სრულად ამუშაება უნდა დასრულდეს არაუგვიანეს 2020 წლის 30 დეკემბრისა.

3. შესყიდვის ობიექტის ხარისხი

3.1 მიმწოდებელი იღებს ვალდებულებას, რომ გაწეული მომსახურების ხარისხი შესაბამისობაში იქნება წინამდებარე ხელშეკრულებასთან და დააკმაყოფილებს შემსყიდველის მოთხოვნებს.

4. ხელშეკრულების შესრულების კონტროლი (ინსპექტირება)

4.1 შემსყიდველი ახორციელებს ხელშეკრულებით გათვალისწინებული პირობების შესრულების კონტროლს.

4.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

4.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სახელმწიფო ინსპექტორის სამსახურის ინფორმაციული ტექნოლოგიებისა და მონიტორინგის დეპარტამენტის უფროსი გიორგი გიორგანაშვილი ან მისი არყოფნის

შემთხვევაში, ინფორმაციული ტექნოლოგიებისა და მონიტორინგის დეპარტამენტის უფროსის მოადგილე გიორგი პროზოროვი.

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმების საფუძველზე.

5.2 შემსყიდველის მხრიდან მიღება-ჩაბარების აქტის გაფორმებაზე უფლებამოსილ პირს წარმოადგენს წინამდებარე ხელშეკრულების 4.4 პუნქტში მითითებული პირი.

5.3 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6. ანგარიშსწორება და ანგარიშსწორების ვალუტა

6.1 ანგარიშსწორება მოხდება უნაღდო ანგარიშსწორებით - ლარში.

6.2 ანგარიშსწორება განხორციელდება 2021 წლის ბიუჯეტის სახსრებით, ეტაპობრივად, ფაქტიურად გაწეული მომსახურების შესაბამისად, მიღება-ჩაბარების აქტის გაფორმებიდან და საგადასახადო დოკუმენტაციის წარმოდგენიდან 10 (ათი) სამუშაო დღის განმავლობაში.

6.3 საავანსო ანგარიშსწორება არ გამოიყენება.

7. ხელშეკრულების პირობების შესრულებლობა

(პირგასამტეხლო, ფორმა, ოდენობა და გადახდის ვადები)

7.1 ფორს-მაჟორული პირობების გარდა, ხელშეკრულების დამდეგი მხარეების მიერ ხელშეკრულების პირობების შესრულებლობის ან/და დაგვიანებით შესრულების შემთხვევაში გამოიყენება პირგასამტეხლო.

7.2 ხელშეკრულებით ნაკისრი ვალდებულებების შესრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველი დარღვევისთვის ხელშეკრულების ღირებულების 0,02%-ის ოდენობით.

7.3 ხელშეკრულებით ნაკისრი ვალდებულებების შესრულების ვადის გადაცილებისათვის დამრღვევ მხარეს დაეკისრება პირგასამტეხლოს გადახდა ყოველ გადაგადაცილებულ დღეზე, ხელშეკრულების ღირებულების 0,02%-ის ოდენობით.

7.4 თუ ხელშეკრულების შეწყვეტა გამოწვეულია მიმწოდებლის ბრალეული ქმედებით, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით.

7.5 პირგასამტეხლოს გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

8. ხელშეკრულების შეწყვეტა

8.1 ხელშეკრულების დამდეგი ერთ-ერთი მხარის მიერ ხელშეკრულების პირობების შესრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

8.2 ხელშეკრულების დამდეგი მხარე 8.1 პუნქტით გათვალისწინებულ შემთხვევაში ვალდებულია შეატყობინოს მეორე მხარეს მიღებული გადაწყვეტილების შესახებ, მისი მიღების საფუძველი და ამოქმედების თარიღი.

8.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შესრულებლობით.

8.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

8.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიწოდების ვადის, ასევე, ხელშეკრულებით ნაკისრი სხვა ვალდებულებისათვის განსაზღვრული ვად(ებ)ის 10 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

8.6 ამ მუხლის 8.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების (გაფორმებული მიღება-ჩაბარების აქტის შესაბამისად) ღირებულება.

8.7 ხელშეკრულება შეიძლება შეწყდეს მხარეთა შეთანხმებით.

9. ფორს-მაჟორი

9.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომლებიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

9.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახსნოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

9.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

10. ხელშეკრულებაში ცვლილებების შეტანა

10.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2 ხელშეკრულების პირობების ნებისმიერი ცვლილება (მათ შორის ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით. მხარეთა წერილობითი შეთანხმება ხელშეკრულებაში ცვლილების შეტანის თაობაზე, ჩაითვლება ხელშეკრულების განუყოფელ ნაწილად.

11. ღირებულება

11.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

11.2 მხარეთა შეთანხმებით დასაშვებია ხელშეკრულების ღირებულების შეცვლა.

11.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

12. ურთიერთობა ხელშეკრულების დამდებ მხარეებს შორის

12.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა წარმოებდეს წერილობითი ფორმით. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება ფოსტის ან/და ელექტრონული ფოსტის მეშვეობით.

12.2 ამ მუხლის 12.1 პუნქტით მიღებული შეტყობინება ძალაში შედის ადრესატის მიერ მისი მიღების დღეს.

13. სადავო საკითხების გადაწყვეტა

13.1 ხელშეკრულების ან მასთან დაკავშირებული საკითხების ირგვლივ წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

13.2 ხელშეკრულება დადებულია საქართველოს კანონმდებლობის შესაბამისად.


14. სხვა პირობები

14.1 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.2 საკითხები, რომლებიც არ არის გათვალისწინებული აღნიშნული ხელშეკრულებით, რეგულირდება საქართველოს კანონმდებლობით.

14.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან).

15. მხარეთა რეკვიზიტები

„შემსყიდველი“	„მიმწოდებელი“
სახელმწიფო ინსპექტორის სამსახური	სს „სილქნეტი“
საიდენტიფიკაციო კოდი: 205305515 მისამართი: ქ. თბილისი, პუშკინის ქ. №10/ვაჩნაძის ქ. №7/თაბუკაშვილის ქ №2 საბანკო რეკვიზიტები: სახელმწიფო ხაზინა კოდი: TRESGE22 ა/ა GE24NB0330100200165022 ტელ: 2421000 ელ-ფოსტა: office@stateinspector.ge	საიდენტიფიკაციო კოდი: 204566978 მისამართი: ქ. თბილისი, წინამძღვრიშვილის ქ. №95 საბანკო რეკვიზიტები: სს „თიბისი ბანკი“ ბანკის კოდი: TBCBGE22 ა/ა GE97TB7404936070100004 ტელ: 577083030 ელ-ფოსტა: mbrelidze@silknet.com
სახელმწიფო ინსპექტორი  ლონდა თოლორია	კორპორატიული გაყიდვების დეპარტამენტის უფროსი მაღხაზ ჟორჟიკაშვილი



2020 წლის 25 დეკემბრის სახელმწიფო შესყიდვის შესახებ №155 ხელშეკრულების

დანართი №1

N	მომსახურების დასახელება	ტექნიკური მახასიათებლები	გასაწევი მომსახურების პერიოდი	ერთი თვის მომსახურების ღირებულება (ლარი)	საერთო ღირებულება (ლარი)
1	ინტერნეტ მომსახურება, ქ. თბილისი, მ. ასათიანის ქ. №9	• გამოყოფილი ოპტიკური ხაზით; • სიმეტრიული არხი (Upload=Download); • გარანტირებული სიჩქარე: არანაკლებ 50 მეგაბიტი (ლოკალური ინტერნეტი);	12 თვე (01.01.2021-31.12.2021)	150.00	1800.00
2	ინტერნეტ მომსახურება, ქ. ქუთაისი, ირ. აბაშიძის ქ. №22	• მომსახურება (შემოყვანით და დაინსტალირებით); • ტექნიკური მხარდაჭერა: 7 დღე 24 საათი; • გამოყოფილი მინიმუმ /30 სტატიკური გლობალურად მარშუტირებადი IP v4 ინტერნეტ მისამართების ქვეყნული.	12 თვე (01.01.2021-31.12.2021)	150.00	1800.00
სულ ჯამი:					3600.00

„შემსყიდველი“

სახელმწიფო ინსპექტორის სამსახური

„მიმწოდებელი“

სს „სილქნეტი“

სახელმწიფო ინსპექტორი

კორპორატიული გაყიდვების დეპარტამენტის უფროსი



ლონდა თოლორაია

მალხაზ ჟორჟიკაშვილი